

Pwyllgor Addysg, Dysgu Gydol Oes a Sgiliau Cynulliad Cenedlaethol Cymru

Is-ddeddfwriaeth: 8 Mawrth 2007

Cefndir

1. Bu'r Pwyllgor yn ystyried yr eitem ganlynol o is-ddeddfwriaeth, i'w gwneud o dan Reol Sefydlog 24, ddydd Mercher 17 Ionawr 2007. Cymerwyd cofnod gair-am-air a gellir ei weld ar Dudalen We'r Pwyllgor.

Rheoliadau Grantiau a Benthyciadau Dysgu y Cynulliad (Addysg Uwch) (Cymru) 2007 [ELLS-09-06]

2. Rhoddodd y Gweinidog dros Addysg, Dysgu Gydol Oes a Sgiliau bapur cefndir esboniadol. Rhoddodd hefyd gopi o'r Gorchymyn drafft, y Memorandwm Esboniadol a'r Arfarniad Rheoliadol.
3. Cynhaliwyd ymgynghoriad cyhoeddus ar y Rheoliadau drafft rhwng mis Medi a mis Rhagfyr 2006 a chysylltwyd â 64 o randdeiliaid. Rhoddwyd y Rheoliadau drafft a'r dogfennau i'w canlyn ar wefan Cynulliad Cenedlaethol Cymru. Derbyniwyd tri ar ddeg o ymatebion. Roedd yr ymatebion ar y cyfan, yn gefnogol i'r newidiadau arfaethedig.
4. Mae'r Rheoliadau'n nodi'r trefniadau cymorth i fyfyrwyr ar gyfer cyrsiau addysg uwch dynodedig yng Nghymru yn y flwyddyn academaidd 2007-08 a byddant yn galluogi Cynulliad Cenedlaethol Cymru i roi grantiau a benthyciadau i fyfyrwyr cymwys. Mae'r Rheoliadau'n dirymu Rheoliadau 2006 a'r Rheoliadau diwygio.
5. Mae'r rhan fwyaf o'r newidiadau a gyflwynwyd gan y Rheoliadau yn dechnegol o ran natur. Yr eithriad yw'r Grant Ffioedd Dysgu newydd o hyd at £1,845 a fydd ar gael i fyfyrwyr sy'n byw yng Nghymru ac sy'n astudio cwrs addysg uwch mewn prifysgol neu goleg yng Nghymru yn y blynyddoedd academaidd 2006-07 neu 2007-08 . Bydd y grant ffioedd dysgu ar gael waeth beth yw incwm y teulu ac fe'i telir yn uniongyrchol i'r man astudio.
6. Mae'r rheoliadau hefyd yn cyflwyno newidiadau technegol yn bennaf i'r:
 - Grant Gofal Plant
 - Y Grant i Fyfyrwyr sydd wedi Ymadael â Gofal (dilëwyd oherwydd darpariaeth amgen)
 - Graddfeydd Benthycygr Tramor/Grant Teithio
 - Meini Prawf Cymhwysedd; ac
 - Mewn perthynas â Darparu Rhifau Yswiriant Gwladol.

Gwasanaeth y Pwyllgorau

Trafodaeth

7. Mewn trafodaeth, gofynnwyd am eglurhad ar y materion canlynol:


- A fyddai'r dyletswyddau a roddwyd ar awdurdodau lleol gan Ddeddf Plant (Ymadael â Gofal) 2000 yn debyg i'r ddarpariaeth a wnaed yn flaenorol drwy'r Grant i Fyfyrrwyr sydd wedi Ymadael â Gofal; a'r
- Trefniadau o ran aelodau teulu ffoaduriaid.

8. Mewn ymateb, rhoddodd y Gweinidog a'r swyddogion yr wybodaeth ganlynol:

- O dan Ddeddf Plant (Ymadael â Gofal) 2000, mae gan awdurdodau lleol ddyletswydd i ymateb i anghenion pobl ifanc mewn perthynas ag addysg a hyfforddiant ac i ddarparu cymorth i Fyfyrrwyr sydd wedi Ymadael â Gofal ac sy'n bwriadu mynd ymlaen i addysg uwch. Roedd y Grant i Fyfyrrwyr sydd wedi Ymadael â Gofal yn ddarpariaeth ddiangen bron, oherwydd nid oedd y rhai a oedd â hawl i gymorth o dan y Ddeddf Plant (Ymadael â Gofal) wedyn â hawl i'r Grant i Fyfyrrwyr sydd wedi ymadael â Gofal
- Trafodir y rheolau mewn perthynas â hawl myfyriwr sy'n ffoadur neu berson â chaniatâd i ddod i mewn neu i aros yma, gyda'r Swyddfa Gartref. Mae Atodlen 1 o'r rheoliadau yn gwneud darpariaeth ar gyfer aelodau teulu ffoaduriaid.

Penderfyniad y Pwyllgor

9. Ni chynigiwyd unrhyw welliannau ac roedd y Pwyllgor yn argymhell cymeradwyo'r Gorchymyn drafft.



Peter Black AC
Cadeirydd y Pwyllgor

Gwasanaeth y Pwyllgorau